



**SURAT EDARAN PENTADBIRAN
BILANGAN 17 TAHUN 2018**

**BANTUAN KHAS AIDILFITRI TAHUN 2018
DENGAN PINDAAN
DI UNIVERSITI TEKNIKAL MALAYSIA MELAKA
(UTeM)**

Pejabat Pendaftar

7 Jun 2018 | 22 Ramadan 1439H

Disalinkan kepada:

Naib Canselor

Timbalan Naib Canselor (Akademik dan Antarabangsa)

Timbalan Naib Canselor (Penyelidikan dan Inovasi)

Timbalan Naib Canselor (Hal Ehwal Pelajar)

Penolong Naib Canselor (Jaringan Industri & Masyarakat)

Penolong Naib Canselor (Pembangunan & Pengurusan Fasiliti)

Pegawai-Pegawai Kanan

UNIVERSITI TEKNIKAL MALAYSIA MELAKA

UTeM.02.05.03/100-3/2/3 Jld. 5 (17)

7 JUN 2018
22 RAMADAN 1439H

SURAT EDARAN PENTADBIRAN BIL. 17/2018

BANTUAN KHAS AIDILFITRI TAHUN 2018 DENGAN PINDAAN DI UNIVERSITI TEKNIKAL MALAYSIA MELAKA (UTeM)

1.0 TUJUAN

Surat Edaran Pentadbiran ini bertujuan untuk memaklumkan ke pengetahuan semua staf Universiti mengenai kelulusan secara edaran Lembaga Pengarah Universiti pada 7 Jun 2018 berhubung pemakaian Pekeliling Perkhidmatan Bil. 1 Tahun 2018 "Bantuan Khas Aidilfitri Tahun 2018" dengan pindaan di Universiti Teknikal Malaysia Melaka.

2.0 LATAR BELAKANG

- 2.1 Kerajaan telah memutuskan supaya Bantuan Khas Tahun 2018 dibayar kepada pegawai Perkhidmatan Awam Persekutuan di Gred 41 dan ke bawah sebanyak RM400.00 dan turut dipanjangkan kepada pesara Kerajaan yang menerima pencen sebanyak RM200.00.
- 2.2 Pekeliling Pentadbiran ini adalah bagi maksud menjelaskan mengenai kaedah pelaksanaan Bantuan Khas Aidilfitri 2018 di Universiti Teknikal Malaysia Melaka.

3.0 PELAKSANAAN

- 3.1 Bantuan Khas Aidilfitri Tahun 2018 sebanyak RM400.00 diberi kepada staf Universiti di Gred 41¹ dan ke bawah dengan syarat bahawa staf masih berkhidmat sehingga 5 Jun 2018 dan berada dalam perkhidmatan sekurang-kurangnya 30 hari berturut-turut dalam tempoh 1 Januari 2018 hingga 5 Jun 2018.

¹ Staf Universiti di Gred 41 atau setara. Tidak Termasuk yang sedang memangku di Gred 44.

- 3.2 Tempoh 30 hari berturut-turut adalah termasuk semua jenis cuti bergaji penuh, semua jenis cuti separuh gaji, semua jenis cuti tanpa gaji, Hari Rehat Mingguan, Hari Kelepasan Mingguan dan Hari Kelepasan Am dalam tempoh 1 Januari 2018 hingga 5 Jun 2018.

4.0 STAF YANG LAYAK

- 4.1 Tertakluk kepada perenggan 3.1 dan 3.2 di atas, staf UTeM yang layak dibayar Bantuan Khas Aidilfitri Tahun 2018 adalah seperti berikut:

- 4.1.1 staf lantikan tetap, sementara, *contract of service*²;
- 4.1.2 staf yang bercuti bergaji penuh;
- 4.1.3 staf yang bercuti separuh gaji;
- 4.1.4 staf yang bercuti tanpa gaji; dan
- 4.1.5 staf yang dipinjamkan termasuk ke agensi yang diasingkan pengurusan saraannya. Bantuan Khas ini akan dibayar oleh agensi yang menerima peminjaman staf.

5.0 STAF YANG TIDAK LAYAK

- 5.1 Staf yang tidak layak diberi Bantuan Khas Aidilfitri Tahun 2018 adalah:
- 5.1.1 staf yang dikenakan hukuman tatatertib dalam tempoh 1 Januari 2018 hingga 5 Jun 2018;
 - 5.1.2 staf yang ditamatkan perkhidmatan demi kepentingan awam dalam tempoh 1 Januari 2018 hingga 5 Jun 2018;
 - 5.1.3 staf yang meletak jawatan dalam tempoh 1 Januari 2018 hingga 5 Jun 2018;

² Bagi staf Universiti di bawah *contract for service*, surat edaran berasingan akan dikeluarkan oleh Kementerian Kewangan.

6.0 STAF YANG DITANGGUHKAN BAYARAN KHAS

Staf yang ditahan kerja, digantung kerja atau surat pertuduhan telah dikeluarkan oleh Jawatankuasa Tatatertib Universiti ditangguhkan Bantuan Khas Aidilfitri Tahun 2018 ini. Staf hanya layak diberi Bantuan Khas Aidilfitri Tahun 2018 sekiranya Jawatankuasa Tatatertib Universiti mendapati staf tersebut tidak bersalah.

7.0 PEKERJA SAMBILAN HARIAN (PSH)

Bantuan Khas Aidilfitri Tahun 2018 sebanyak RM400.00 dipanjangkan kepada Pekerja Sambilan Harian (PSH) yang masih berkhidmat pada 5 Jun 2018 dengan syarat tempoh kontraknya telah berkuat kuasa sekurang-kurangnya 30 hari berturut-turut dalam tempoh 1 Januari hingga 5 Jun 2018.

8.0 PESARA

8.1 Bantuan Khas Aidilfitri Tahun 2018 kepada pesara Kerajaan yang menerima pencen dan penerima pencen terbitan pada atau sebelum 5 Jun 2018 di bawah undang-undang pencen akan dibayar sebanyak RM200.00 oleh Jabatan Perkhidmatan Awam.

8.2 Pesara Perkhidmatan Awam yang dilantik semula secara *contract of service* dalam tempoh 1 Januari hingga 5 Jun 2018 layak diberi Bantuan Khas Aidilfitri Tahun 2018 sebanyak RM400.00 dengan syarat staf telah berkhidmat sekurang-kurangnya 30 hari berturut-turut. Pembayaran sebanyak RM200.00 akan dibuat oleh Jabatan Perkhidmatan Awam dan bakinya sebanyak RM200.00 akan dibayar UTeM.

8.3 Tempoh 30 hari berturut-turut yang dimaksudkan adalah termasuk semua jenis cuti bergaji penuh, semua jenis cuti separuh gaji, semua jenis cuti tanpa gaji, Hari Rehat Mingguan, Hari Kelepasan Mingguan dan Hari Kelepasan Am dalam tempoh 1 Januari hingga 5 Jun 2018.

9.0 STAF MENINGGAL DUNIA DALAM PERKHIDMATAN

- 9.1 Staf Universiti yang meninggal dunia dalam tempoh 1 Januari hingga 5 Jun 2018 layak diberi Bantuan Khas Aidilfitri Tahun 2018 sebanyak RM400.00 dengan syarat staf telah berkhidmat sekurang-kurangnya 30 hari berturut-turut.
- 9.2 Pembayaran kepada mana-mana pencen terbitan yang layak di bawah undang-undang pencen sebanyak RM200.00 akan dibuat oleh Jabatan Perkhidmatan Awam dan bakinya sebanyak RM200.00 akan dibayar oleh UTeM.
- 9.3 Tempoh 30 hari berturut-turut yang dimaksudkan adalah termasuk semua jenis cuti bergaji penuh, semua jenis cuti separuh gaji, semua jenis cuti tanpa gaji, Hari Rehat Mingguan, Hari Kelepasan Mingguan dan Hari Kelepasan Am dalam tempoh 1 Januari hingga 5 Jun 2018.

10.0 TARIKH PEMBAYARAN

Bantuan Khas Aidilfitri Tahun 2018 ini akan dibayar pada **8 Jun 2018**.

11.0 TANGGUNGJAWAB PEMBAYARAN

Pembayaran Bantuan Khas Aidilfitri Tahun 2018 bagi staf yang berada dalam perkhidmatan adalah di bawah tanggungan UTeM. Manakala bagi pesara Kerajaan, pembayaran tersebut adalah di bawah tanggungan Jabatan Perkhidmatan Awam.

12.0 TARIKH KUAT KUASA

Surat Edaran Pentadbiran ini berkuat kuasa mulai tarikh ia dikeluarkan.

13.0 PEMBATALAN

Dengan berkuat kuasanya Surat Edaran Pentadbiran ini, maka, Pekeliling Perkhidmatan Bilangan 7 Tahun 2017 dan Surat Edaran Pentadbiran Bilangan 14 Tahun 2018 adalah dibatalkan.

Sekian, terima kasih.

“KOMPETENSI TERAS KEGEMILANGAN”

Saya yang menurut perintah,



MASDZARIF BIN MAHAT

Ketua Pegawai Operasi

Pejabat Pendaftar

/BDQ